

四庫全書

史部

欽定四庫全書

寶慶四明志卷十四

宋羅瀾撰

奉化縣志卷一

叙縣

沿革論

奉化縣本秦會稽郡鄞縣地漢志謂鄞有鎮亭鮎埼亭
皆在焉今縣東五十里有鄞城山下有廣福院舊曰鄞

城院即古鄆縣治所也隋廢鄆鄆二縣入句章唐初析句章置鄆州尋廢為鄆縣隸越州古鄆地乃併屬于鄆開元二十六年析鄆縣置奉化隸明州是時州曰明郡曰奉化詳見郡表又以郡名名縣貞元間為上縣凡十九鄉皇朝景德三年始併為八鄉九域志為望縣

境土

東西一百七十里南北一百五里

東至鄆縣界七十里以藤嶺并道陳嶺為界自界首

鄞縣五十里

西至紹興府嵎縣界一百里以陸照嶺為界自界首至
嵎縣一百四十里

南至台州寧海縣界六十里以柵虛嶺為界自界首至
寧海縣六十五里

北至鄞縣界四十五里以北渡大江為界自界首至鄞
縣三十五里

東南到象山縣界以鄞港中流白石山南港為界陸路

并折海計五百七十里自界首至象山縣二百四十
五里

西南到台州寧海縣界五十里以杉木嶺為界自界首
至寧海縣七十里

東北到鄞縣界六十里以金峨嶺為界自界首至鄞縣
八十四里

西北到紹興府嵊縣界一百二十里以箬坑嶺為界自界
首至嵊縣一百三十里

風俗

右山左海土狹人稠日以墾闢為事凡山巔水湄有可耕者累石塹土高尋丈而延袤數百尺不以為勞仰事俯育僅僅無餘人窘於財亦憚於為非富家大族皆訓子弟以詩書故其俗以儒素相先不務驕奢士之貧者雖儲無擔石而衣冠楚楚亦不至於垢弊大抵受性剛直任氣尚義吏胥則轉為頑悍甚於他邑瀕海小民業網罟舟楫之利出沒波濤間變化如神習使然也

縣令

趙察

唐元和十二年鑿縣北河邑人德之因名趙河
十四年開白杜河凡溉民田一千二百餘頃

李宗申

唐咸通六年
建城隍廟

于房

皇朝景祐中廢石夫人之廟以增學宮

王泌

皇祐四年
建北渡橋

裴士堯

治平三年
徙學

盛穆仲

元豐五年嘗記石夫人之靈于碑陰

秦辨之

元祐六年
徙社

周池

紹聖三年作勸學文刻于石

周因

宣和元年徙學

榮彝

左承議郎紹興元年闕月到任十一年閏月滿

張汝揖

左奉議郎紹興十二年闕月到任十四年闕

劉清臣

右承議郎紹興十五年闕月到任十七年滿

陳泰初

右朝散大夫賜紫金魚袋紹興十七年闕月到任十八年十二月宮觀

湯穆

左朝請郎紹興十九年三月到任二十一年五月十八日故

黃韶中

左承議郎紹興二十二年八月滿月到任二十五年八月滿

向士俊

右宣教郎紹興二十五年八月二十五日到任二十八年八月滿

劉士寵

左奉議郎紹興二十八年八月到任三十一年八月滿

朱案

右奉議郎紹興三十一年十月到任隆興元年七月滿

李邦憲

右奉議郎隆興元年八月二十八日到任乾道二年二月故

向士邁

右通直郎乾道二年十一月二十五日到任三年十二月故

郭忠順

右通直郎乾道四年七月初九日到任七年八月二十五日滿

謝峻

右承議郎乾道七年八月二十五日到任八年十一月宮祠

魏庭珙

右奉議郎乾道八年十二月三十日到任九年宮祠

蔡揆

右通直郎淳熙元年四月十八日到任十一月二十一日宮祠

趙希仁

宣教郎淳熙二年四月二十三日
到任四年四月召赴都堂審察

葉仲翺

奉議郎淳熙四年七月二十八日到任七年九月十一日滿

蘇祁

通直郎淳熙七年九月十一日到任九年四月十二日避親罷

郭德麟

通直郎淳熙九年六月二十九日到任十二年八月七日滿九月召赴都堂審察

張燧

宣教郎淳熙十二年八月七日到任十三年四月內轉奉議郎十月十二日滿

傅伯益

宣教郎淳熙十五年十月十二日到任

胡恭

宋晉之

慶元二年到任

蔡幾

慶元三年十二月十一日到任五年三月二十二日通理前任三考得替

趙汝傑

通直郎慶元五年四月初四日到任嘉泰元年五月宮祠

錢光祖

奉議郎嘉泰元年九月初四日到任

趙彥綰

奉議郎嘉泰四年十月初六日到任開禧三年十一月二十五日滿

陳梅安

宣教郎開禧三年十一月二十五日到任

馮多福

奉議郎嘉定四年三月十二日到任五年十二月轉承議郎七年六月十五日滿

孫顯懿

宣教郎嘉定七年六月十五日到任十年三月轉奉議郎七月十六日滿

黃廡

宣教郎嘉定十年七月十六日到任十二年三月轉通直郎十三年七月二十五日滿

趙希觀

通直郎嘉定十三年七月二十四日到任十五年二月二十三日磨勘轉奉議郎七月十八日該遇慶寶恩轉承議郎十六年六月十三日滿

趙約

奉議郎嘉定十六年十月十三日到任

陳元晉

宣教郎寶慶二年二月二十二日到任

婁紹聃

宣議郎寶慶二年十一月初一日到任三年五月磨勘轉宣教郎

杜稷

壇舊在縣南皇朝元祐六年令秦辨之徙置縣西南

二百餘步

城隍

廟在縣西五十步唐咸通六年令李宗申建

學校

唐建夫子廟於縣東北三百步皇朝景祐中令于房廢石夫人廟以增學宮治平三年令裴士堯遷于縣東五十步久而圯令周因重建相陰陽之宜去舊址二十步而少西王禮記之乃宣和初元也未幾舍法罷學浸弛

建炎間燬于兵紹興九年令榮彝重建久復圯慶元二年永嘉宋晉之為令欲改創力未給邑士汪偁與其弟份奉令意徹大成殿及門廡而新之益宏且堅更立先聖先師十哲之像從祀分列兩廡於是鄉之好學者相繼效力直殿之後作堂曰彝訓東西四齋曰養正曰達材曰成德曰升俊東齋之側有堂主文衡者居之西齋之側有舍司學職者居之又西為射圃三門之左為詠歸亭右則廩廩在焉墨池直門之外汪氏兄弟浚而廣

之方正清深黌宇輝映始壯舊觀嘉定七年令馮多福
又築尚友亭於射圃之後每輟俸以養士且勸率鄉之
賢有力者出產為永業令此產遂供偕計續食之費而
士之德馮令不忘也邑之先進樓公郁王公說士皆師
之故并馮令祠焉學之更新攻媿樓鑰記之尚友堂成
丞周勉記之

祭器二百三十六件

祭服三副

御書

寶慶訓勅士風御筆二軸

一軸漕司頒下
一軸本府頒下

錢糧

米二十七石二斗七升三合

穀三百六十石三斗七升四合

租錢七十六貫八百二十四文

義廩

供偕計續
食之費

穀六百八石九斗八升五合

麥五石三斗七升

租錢七十六貫七百四十文

城郭

縣城周環六百四十八丈

坊巷

雙桂坊

乾道五年為王時會與弟時叙聯名登第立

狀元坊

嘉定十四年為何大圭兩優釋褐立

倉庫務場等

倉

城內縣廳
之西南

庫

縣廊

酒稅務

縣東北四里大
中祥符六年建

教場

縣尉
廳前

居養院

縣東北元符
二年六月建

安濟坊

縣東北五里崇
寧二年九月建

漏澤園

縣西北十里崇
寧四年二月建

公宇

縣樓門

令婁紹
聘重建

縣廳

建炎四年燬于亂兵紹
興十三年令榮彝重建

仁平齋

聽事之東
令榮彝建

龍溪道院

仁平齋之南令榮彝建
舊曰道愛堂後更名

恕堂

聽事之西獄之側令榮彝建聽政折獄之便坐也嘉
泰間趙彥綰為令邑人吳懋為縣掾葺理獄室又以

其餘材重
建此堂

鎮東樓

縣東北四里市之心先是惠政橋成壯麗為一
邑冠陰陽家云無以厭之恐有鬱攸之變未幾

果驗嘉定中令馮
多福乃建此樓

官僚

丞

聽事縣治之東南十步

主簿

聽事縣治之西有堂曰棲鸞西北有山亭今廢

尉

聽事縣治西

監酒及稅共一員

聽事鎮東樓之北

公塘巡檢

聽事縣西北三十里公塘市中舊地名高公塘唐文德元年置鎮民戶買撲名課管納官

錢皇朝熙寧六年添置巡檢駐劄巡捕私茶鹽礬盜賊等事慶元四年罷鎮稅止存巡檢

結埼鎮監官

鎮在縣南六十里即漢結埼鎮也監官聽事在袁村市中創置本末見下

鮑埼寨巡檢

寨在鎮北五里聽事在漂溪嘉定七年尚書省劄節文白劄子奉化縣管下地名戰埼袁村皆瀕大海商舶往來聚而成市十餘年來日益繁盛邑人比之臨安謂小江下去縣五六十里南隔山嶺海瀕習俗素悍富者開團出船藏納亡賴強招客販貧者奪攘鬪毆雄霸一方動致殺傷縣道前來擇有事力者委充舉長未能借之鈴束反以資其武斷前任趙知縣曾具申諸司乞置巡檢一員在彼彈壓愚意謂若差武臣反與豪徒為市欲乞徵東陽例增置縣尉一員本處有敗闕坊場令本府給本就委所置官措置興復趁辦課額之外其餘以贍吏兵既可以防海道亦可以鎮擴俗右剗付沿海制置司從長相度申尚書省時提刑程覃攝事中契勘慶元府在城都

酒務有監官六員內文資四員武職二員
若據向來置比較務贍軍係省三務名立
二員分管酒額固不為冗後來既將三務
併而為一摠納名課所謂六監官因循到
今不曾減省委為贅濫及照得本府西門
外有都巡檢一寨額管軍兵一百二十人
本地分既不邊海止是城外巡警鄉村盜
竊及承受追會事件而已此來欲乞從朝
廷割下本府於城下都巡檢寨分撥土軍
五十名移屯戰琦只就開禧年間踏逐到
漂溪職租地起蓋軍房以慶元府戰琦巡
檢寨為名仍於都務監酒內選撥有材能
文武官各一員並存監酒舊銜內文官帶
兼管戰琦煙火公事武官帶兼充戰琦巡
檢十二月二十八日奉聖旨令慶元府奉
化縣置戰琦鎮寨從事郎吳邦猷改差監

戰琦鎮兼煙火公事成忠郎程奕世改差
戰琦鎮巡檢其慶元府酒官六員內省罷
兩員已差人並令赴吏部別行注授今後
戰琦監鎮巡檢令吏部依條格使闕餘依
是年於漂溪置軍房天王堂門樓射亭共
五十五間巡檢解宇一十四間戰琦本結
琦因白劄子誤為戰琦續申請正舊名漢
書顏師古注云鮚音結蚌也長一寸廣二
分有一小蚌在其腹中琦曲岸也
其中多鮚故以名亭琦鉅依反

驛鋪

剡源驛

縣東北五里驛前即航船步也溫台步來
者即此而登舟明越舟來者至此而出陸

龍津館

縣東北四里西市之東惠政橋之
西臨大溪側嘉定中令馮多福建

登陸館

縣東三里市南門之側令馮多福建孫興公賦登陸則四明天台故取以名

縣鋪

北至南渡鋪二十五里南至雙溪鋪二十五里

南渡鋪

北至北渡鋪二十五里內五里折江

北渡鋪

北至鄞縣櫟社鋪二十五里

雙溪鋪

北至縣鋪二十五里南至固海鋪二十五里

固海鋪

南至台州寧海縣界海口鋪二十五里

叙山

四明山連會稽接天台跨慈溪鄞及縣境詳載郡志

丹小山縣西五十里四明山之南屬剡源鄉之三石村上有
二洞洞如廣廈中可容五六十人有深穴可容人身首有
入者行幾半日聞水聲如雷而返水涓涓岩罅間其流
迹皆赤色下有龍湫民築亭于其下為旱暵禱之所
有巖竇風從其竇出常颭颭有聲夏絕無暑冬則凜凜
不可近俗號風洞按雲笈七籤云四明洞天治丹山赤水
在會稽上虞縣四明山舊屬會稽郡而丹山去上虞不
一二十里雲笈七籤所志益以洞天舊所屬故云然

桃花坑山縣西五十里四明山之上二十里雲之南也
山巖壁立數仞延袤數百尺巖色紅白相間隱映出
沒狀如桃花之初發故以名之四山環繞宛如盤谷
中有平田數百畝昔太白禪師納交孤竹君之裔飛
錫于此擇其地而居之留偈云昔是神仙窟今為長
老居定須攀月桂宜教子孫書嗣王伯圭來守此邦
因太白偈訪其後乃得竺君汝舟者覽山川之勝嘆
先賢之裔嘉獎形諸尺牘端憲沈公煥誌其事藏竺

氏家

毛巔嶺縣西六十里四明山之南接大小晦崎嶇澗谷行者艱阻紹熙初有毛居士者鑿崖以便民旅之往來竺君大本題其崖曰鑿破巖崖砥樣平要令民旅得通行為君題作毛巔嶺留取毛巔千古名

鎮亭山縣西南一百里漢地理志云鄞有鎮亭其原來自四明山由西北而南踰剡諸山而至鎮亭西界于越南入于天台故其鄉為連山其巔盤結數峯高

八蒼莽旁有龍潭即顯濟龍王廟也詳見叙祠

東坑嶺縣西南六十里北為蓬島南為石樓西為察廉
岡界千松林連山二鄉之間其道西通婺女北通會
稽南入天台東歸四明奉化為邑西北多山而此嶺
又為衆山之最高者縈紆鳥道盤曲羊腸足且不可
駐况負戴者乎里有義士屠師禹盡戮以石西九百
五十丈東八百九十丈人甚德之

蓬島山縣西南四十里其原來自四明山重岡復嶺繚

繞縣亘自剡之西南至于鎮亭由鎮亭之東北是為
蓬島肥厚雄壯不露峯角兀然獨冠諸山北為安巖
之翠峯南為石樓之赤巖過松木嶺入于天台即四
明記云南嗣天台北通越是也臨其巔俯視數百里
之外滄海微茫煙林縈帶城邑聚落了然在目崇
寧間有尼結廬於其肩號曰師姑坪今其故堦遺
井瓦礫塼石猶存山之側為後萊山谷間有龍湫
為鄉邑雩禱之所閭閻風劉次高有詩云軋軋肩輿

過翠微路經蓬島鎖煙霏雨從半嶺巖窩出雲在
行人脚下飛

徐無巖在雪竇之西相距十五里重崖峭壁數百仞瀑
布飛下冬夏不絕巖之下有神龍所宅俗傳為如浮
巖以巖浮澗谷上故名上為鞠侯巖有三大字刊于
石王時會有詩云絕壑攬空雲與平橫飛寒瀑萬年
聲杖藜平過人間險獨向千山頂上行

安巖縣西南三十里來自四明山有寺舊名四明院有

二巖虛懸絕澗中有大龜圓廣三尺許出入則風雨
隨作其背鐫云安巖山靈龜或到浙右諸州故鐫以
誌之後因洪流湍激臨死巖下今留其殼為寺中交
割

翠峯縣西南三十里為安巖山華嚴禪院之案山此
峯高入蒼莽冠絕諸峯古木蓊薈下臨大池寺之東
偏有亭曰覽秀對之如畫屏環列

童公嶺縣西南六十里西為杉木嶺東為珊墟嶺道通

寧海為台州之界首建炎間聚鄉民立寨以策應
壚

壚嶺縣南六十里為台明之界建炎間立寨於此聚
鄉民守戍官差將領以監之號南來第一寨今其遺
跡皆在西通童公嶺東控鮑埼海道是亦一要衝也
新嶺乃忠義一鄉往來邑治之路舊無此路新開五
十年嶺峻而長絕頂為中道有天然石磴盤石上有
天然石汙尊泉出甚冽杯飲止滿一人之欲行者以

次飲而未嘗竭率謂無此則人皆道喝云

天門山縣南六十里鮎埼亭之東岸大海海外列障

排空有兩山對峙高入蒼莽南亞于海俗號引頭門

北連棲鳳樓真諸山而入于大洋按地理志會稽鄞

縣東南有天門水入于海有越天門山陶弘景真誥

云天門在鄞縣之南寧海之北半亞于海鄞縣舊治

奉化故云然

據本縣所載如此而象山亦載天門山奉化象山皆古鄞地望海中之山皆可

為天門也

梅山縣南二十五里東為登山有僧廬曰禪寂為壽禪
師道場南為鳴鴈管管之上峯巒奇秀鄉之顯仕丘
壠多藏焉山之西號丁令威俗傳令威嘗化鶴止此
有丹井在其旁一勺之泉常隨海潮上下父老傳以
為海眼攻媿樓公鑰有詩云峯頭丹井隨潮信松
下禪床舊祖闢蓋紀此也北則環以犬溪其山四斷
兀立衆山之中或謂漢之梅福嘗游此因得名今其
山之下每遇大雷雨則出小石圓如梅子剖之亦有

核其名又或因此也上有龍湫為鄉邑雩禱之所

回峯洞縣東南十五里

吳郎山縣東南一十里

鄆城山縣東五十里古鄆城在其下故名

舊志載赤堇山在鄆縣東

四十里云山有草曰赤堇鄆縣以此為名而加邑焉
會稽記云昔歐冶造劍於此山云涸若邪而採銅破
赤堇而取錫今考鄆境山無此山本以山名縣則鄆
城山即赤堇山也舊志以今鄆為古鄆故載之於鄆
縣

謝家洞縣東二十五里其洞虛圓雖炎歆之月凜然

猶寒其下如廣廈可容百餘人俗傳有大白蛇藏其間隱見不常左有一峯曰福堆山右即筆架峯也

筆架峯縣之下郝村其峯崿宛如筆架之狀雲霧興則必雨有一龍祠名祭山

燕巖在江口塔山之上社後燕子穴於其間因以得名
南山縣東五里東為栲栳山西為龍潭山其山四斷邑
之舉子嘗以此山之鳴驗科甲之高下初一鳴而王
國定為武舉之鼎魁再一鳴而何大圭以兩優解褐

里語所傳不可謂之無驗其上為南山寺臨其巔有
軒曰廣莫登臨眺望山川城邑千里之外了然在目
故攻媿樓鑰有詩云廣莫乘風隘九州亂山無數點
平疇一千里外在吾目二十年來無此游地下山高
俱歷歷鳶飛魚躍兩悠悠昌黎費盡南山句曠望還
應似此不

漢城山縣東北十五里其山頂平廣可容數千人無荆
榛叢林其堡壘之狀歷歷可睹斷土者或得古兵器

世傳漢王避難之處又云劉曷屯兵之處然漢高祖
光武及五代劉曷皆未嘗至此舊志以西漢建元三
年嚴助發會稽兵圍東甌元鼎六年韓說出句章擊
東甌領漢兵駐此故得名然嚴助韓說擊東甌皆浮
海此山去海幾百里何由於此駐兵按此山與霸王
山相對上有擂鼓巖蓋五代間鄉聚民兵屯駐自相
雄長而為是稱耳不必強求以合其名也

新婦巖縣西北五里累石而成肖像稍類人夏侯曾先

地志云西北臨溪水其石五色望之頗似花鈿新婦首飾故曰新婦巖今西北實無溪石亦無五色即所封昭德夫人者也

銅山在縣西北十五里按唐志云奉化析鄮置有銅此山蓋以所產名也俗傳昔有樵夫入山滿目皆金寶意欲拾取之儻有神人杖劍而出皇駭奔走頃之旋顧悉不見矣

舊志載赤菟山在縣東北二十里夏侯曾先地志

云亭頭有赤覓山上有盤石可坐千人秦始皇遣
徐福求訪神仙嘗至此或云昔有赤覓仙人嘗居
此山因以名焉今考縣境無此山

叙水

渠堰礮閘橋
梁津渡附

水

鎮亭水縣東南三里其泉源來自越之諸山絕頂匯為
鎮亭潭徑三丈上圓下廣不以旱暵而枯莫測其深
去縣九十里世傳與海相通其流過栢溪經牢巖出

西溪由綠荷灘入惠政橋下繞連山松林奉化長壽
四鄉凡七十二堰溉田甚博接大江之流北至鄞入
海

趙河縣北二十五里唐元和十二年縣令趙察開溉長
壽民田凡八百餘頃邑人德之因以名河

萑湖縣北一十五里

寺後湖縣北五里

隱潭縣西北五十里潭居兩巖之下兩巖相抗壁立

數百仞仰以窺天僅如數尺瀑泉如練循崖而落水
寒石潔聳人毛骨每遇亢旱禱其潭有小蛇出沒旋
應如響皇朝嘗遣中使投金龍玉簡於潭以祈靈貺
皇祐中杜說記之

白魚潭縣西北二十里

靈泉縣西二十里日嶺下寶林院泉源一穴不以大旱
而枯不以大浸而溢下陰萬家其深無底俗傳謂之
海眼

靈濟泉舊名包家泉縣西南一里俗傳昔有牧童澣衣
於泉得巨鰻持歸鬻為九段烹之釜中良久不見急
往泉所視之而鰻成九節復游泉中邑人皆靈之皇
朝元豐七年令向宗諤開浚其泉疏於石竇深不盈
尺不為水旱而盈涸歲旱禱之所謂九節鰻者出現
則甘澤立應宣和中令周因植亭其上榜曰靈濟有
碑紀其異

鰈魚潭縣西南四十里蓬島後萊山谷間南與石樓山

烏潭相望東為東山玉沙井北直安巖山白巖窩皆
早暎霄禱之所潭徑二丈餘深廣如之其流縈繞
於松林金溪二鄉溉田甚博出于富灞港與鎮亭水
合而入于江國朝祥符間有漁者沿流擲釣至潭所
俄有魚隨釣而上五色爛斑而有二翼漁者駭然急
棄於潭歸語鄉人人未之信翌日有紅光燭天人猶
疑之會歲大旱鄉人合道釋巫覡鳴鑼植鼓以迎之
俄有小鰻如線躍立於巖壁間隨取道而歸未出山而

雨大至歲則大熟於是鄉之父老相率為建祠宇立龍
王像自是台明之禱者不遠數百里駢集淳熙間歲甚
旱鄉人三沐三薰一步一拜以禮之周日夜而後至潭
所黎明未得所請忽有大蛇紅質黑斑兩目如金其光
爍爍周回以視人人益驚懼蜿蜒歷於巖罅間截水
上流食頃投于淵而莫知所在是歲雖赤地千里而此
鄉獨蒙其利歲得下熟

鰕音役今俗呼為翼

蛟潭縣南三十里

幽欄潭縣東南一十五里

馬嶺泉縣東三十里

白杜河縣東三十里唐元和十四年縣令趙察開溉金溪民田凡四百餘頃

新婦湖縣東五里

耀碑潭縣東一里俗傳有賢宰政清則其流澄清

透餅泉耀碑潭之東其水蓄之以甃器而水透器外故以為名有痼疾者飲之即愈

清甘泉縣城內雖遇久旱不涸色清甘因以得名令馮
多福嘗記之

渠堰碶閘

萼湖塘小閘縣北七里

砂堰碶縣北一十五里

進林小閘縣北二十里

大馬碶縣北二十里

劉大河碶縣北二十五里皇朝熙寧間邑人王元章之

祖出力創建其後寢廢建炎二年元章有請於縣重修焉

朴木礮縣北二十三里

下塘礮縣北三十里

吳山礮縣北三十里

吳家礮縣北三十里

崑山礮縣北三十里

大歐礮縣北五十五里

常浦礮在北渡之南距縣三十五里界于鄞縣兩縣
三鄉所仰之水利也

進林礮縣東北長壽金溪兩鄉通溉鄞之鄞塘民田
數千頃皇朝紹興十三年重修

資國礮縣南五里

普平港口閘縣南一十五里

王莊礮縣南二十里

新溪礮縣東十五里

考到礮縣東二十里

湖芝礮縣東二十里

錢堰礮縣東二十五里

橋梁

縣橋

縣東南一十步皇朝太平興國八年建宣和初令周因重建立亭其上榜曰嘉會建炎兵燬亭廢橋存

慶登橋

縣東二里舊名謝鳳橋一曰東橋皇朝淳化二年建政和八年令周因立亭其上榜曰豐樂紹興十九年重建改今名舊志載世傳布袋和尚深身橋下一鉢隨流而漂招之即回至今逆流

按此水之源來自縣西黃牛村自西流東過石圍至西河其流自北而南僅百餘步合于方磧而入于溪此蓋水勢所趨非逆流也

新橋

縣東三里先是溪流湓澗無常橋以石為步步疏其流若古之七星橋然上流漲則石轉移下潮長則步漸濕民常病之嘉定中令馮多福疊石為柱前銳後平以破水勢亘版其上上流漲則踰橋而過橋不為動下潮長則不及橋之版者常一二尺往來始便

東市石橋

縣東四里皇朝端拱元年建政和中置亭其上改曰通濟建炎兵燬亭廢橋存

新婦湖橋

縣東五里湖頭有新婦祠故名皇朝紹興二十一年建上覆以屋久而圯邑人修職郎汪

修
伋重

惠政橋

縣東北三里舊名善勝又名通刺皇朝乾隆二
年建後為洪水所壞大觀中重建改今名校官
顧天記之架木為梁覆以厦屋率十稔一易開
禧初令趙彥綰因民之弗堪告之曰與其累修
而累壞孰若一勞而永逸民勸趙之隨貲高下
協力鳩工易之以石下為雙洞又有小洞以泄
怒水高廣十倍于前車馬往來如履平地兩旁
護以石欄東西接兩市南路入天台北路通明
越嘉定四年令馮多福猶以兩堤未堅鎮復甃
之賦詠者甚多有題洞底者曰鑿開蒼壁玉稜
層疊作溪橋兩洞成影落波心雙月合光含石
眼一星明鼉頭近接東西市鯨背平分南北程
須信巨川從此濟
區區湊消浪傳名

下霍橋

縣東一
十五里

光德橋

縣北二十里俗名江口橋四明之水來自越經大小晦山過公塘出泉口而合于大江故曰江口上

接奉化港下迎北渡潮道為明越要衝而水湍激澎湃舟渡多沈溺秉義郎李珂家其側捐廩建橋長二百三十尺廣二十尺慮他日朽腐豫儲倉粟其子孫以時修治張嗣良記之後為洪潦所壞不治者八年李氏復修之而力不逮修職郎汪伋嗣成之通水凡九道覆以厦屋二十有六楹乃紹熙三年也宣教郎王時會記

廣濟橋

縣北二十五里俗名南渡橋在市巾皇朝建隆二年僧師悟始建土橋其後邑士徐覃易之以

木皇祐中令王泌重建長三百尺濶三丈高視濶倍之中圯紹聖四年主簿李肅重建久復圯紹熙改元邑人修職郎汪伋捐已費又新之甃兩岸立石柱乃布板其上覆以厦屋高廣堅麗

履之如平地望之若晴虹潮
生潮落舟人率樣纜于此

常浦橋

縣北三
十五里

津渡

東宿渡

縣東六十里自此發船折海二
百里兩潮而至象山陳山渡

袁村渡

縣東南五十里自此
發船兩潮至陳山渡

北渡

縣北五十里界于鄞舊係民間買撲員擔而渡者
率困于篙師之多取慶元中邑人修職郎汪伋白

于郡以私帑先與之抱納官錢復自造巨舟廩給
渡頭一家以主之往來負擔者人取錢三文以充
輸官之用士夫僧道則免迄今四十餘年人甚便
之倉使齊碩攝郡時有聞官稅撲者守胡槩至謂

本自汪氏為利
民計俾仍舊

南渡

縣北二十五里舊以舟
渡後易以橋見橋梁門

宦江渡

施家渡

叙產

土產已見郡志布帛之品惟此邑之絕輕細而密非他
邑所能及若星嶼之江蜃鮓埼之蝸蚌雙嶼之斑蝦表
村之魚鮓裏港之鱸魚霍鼠之香螺橫山之吹沙魚雪

竇之榷子城西之楊梅泉溪之燕笋公塘之柿栗杖錫
之山芥沙堰之薯藥皆其特異者也

寶慶四明志卷十四

欽定四庫全書

寶慶四明志卷十五

宋 羅濬 撰

奉化縣志卷二

叙賦

鄉村

奉化鄉縣北管里二村四

廣平管

鎮亭里

明化村

長汀村

茗山村

龍潭村

長壽鄉縣東北管里二村三

松賢管

奉國里

長屯村

進林村

新屯村

金溪鄉縣東北管里二村四

履信管

白杜里

石橋村

溪東村

亭山村

白杜村

松林鄉縣東南管里二村三

鳴鴈管

石門里

落闡村

雙溪村

固海村

連山鄉縣南管里一村二

黃甘里

縣南村

晦溪村

剡源鄉縣西管里一村四

嵩溪里

三石村

小晦村

陸照村

公塘村

禽孝鄉縣西北管里二村四

靈泉管

白石里

日嶺下村

廣嶼村

新建村

雪竇村

忠義鄉縣東南管里二村二

棲鳳管

太青里

東西山村

曹村

鎮市

公塘鎮

縣西北
三十里

鮎埼鎮

縣南六
十里

泉口市

縣西北一
十五里

白杜市

縣東南二
十五里

南渡市

縣東二
十五里

表村市

縣南二十五里

戶口

主二萬九千九百九十七戶計五萬三千八百二十一
口

客二千六百九十五戶計六千七百口

夏稅

絹一萬一千八百八十九匹三丈五尺六寸二分

正稅四千七百二十七匹三丈五尺六寸二分

和買七千一百六十二匹

紬四千二百三十三匹四尺七寸

正稅一千一百六十三匹四尺七寸

和買三千七十匹

綿三萬二千四百八十五兩一錢六分

折變

折帛錢

絹二千七百七匹計錢一萬七千八百七十四

貫五百文

正稅五百五十八匹每匹七貫文計錢三千

九百六貫文

和買二千一百四十九匹每匹六貫五百文

計錢一萬三千九百六十八貫五百文

紬二千七百六十四匹計錢一萬九千五百二

十貫文

正稅五百八匹每匹七貫文計錢三千五百

五十六貫文

和買二千四百五十六匹每匹六貫五百文
計錢一萬五千九百六十四貫文

綿一萬二千一百二兩每兩四百文計錢四千
八百四十貫八百文

折麥

絹四十四匹一丈四尺二寸五分

紬二十九匹一尺三寸五分

綿一千一百七十四兩八分七釐五毫

三項通科麥五百一十六碩六斗一升一合一

勺二抄

正四百六十九碩六斗四升六合五勺

義倉四十六碩九斗六升四合六勺五抄

實權本色

絹九千一百三十八匹二丈一尺三寸八分

紬一千二百四十匹三尺三寸五分

綿一萬九千二百九兩七分二釐五毫

秋稅

苗米一萬六千二百五碩四斗二升四合

折變

糯米一千七百四十四碩三斗七升五合折苗米

一千七百七十四碩四十五升

實權本色一萬四千四百六十一碩四升九合

酒

以寶慶三年為準

省場

本柄錢四千七百八十九貫一十九文

糯米七百五十一碩四升每碩價錢三貫九百九十文計二千九百九十六貫六百五十文

麴麥一百七十七碩一斗每碩價錢三貫六百文計六百三十七貫五百六十文

夫食物料錢一千一百五十四貫八百九文

造麴五十一貫七十五文

造生煮酒五百五十一貫三百五十一文

袋紬九匹三丈每匹四貫文計三十八貫四百九

十九文

箍缸打竈一百三十二貫三百一文

官吏巡脚夫食糜費輕空滲漏三百八十一貫五

百八十三文

收息錢六千三十七貫一百五十三文

諸司七千七百二十五貫九百四十五文

經總制司三千六百五貫七百七十八文

糴本司三千三百五十九貫九百三十五文

移用司七百六十貫二百三十二文

本府虧本柄錢一千六百八十八貫七百九十二

文填納諸司

糟錢一百六十五貫八百四十六文

諸司六十九貫八十四文

經總制司四十九貫八百三十四文

移用司一十九貫二百五十文

本府九十六貫七百六十二文

人戶買撲酒坊二十五所

公塘坊

唐嶼坊

溪口坊

泉口坊

崎山坊

浦口坊

錢堰坊

磧磧坊

東宿坊

江口坊

桐照坊

南渡坊

鮎埼坊

連山坊

降阻坊

七山坊

傅霸坊

白杜坊

下霍坊

北渡坊

吳山坊

松林坊

唐頭坊

擇村坊

官江坊

淨息錢二千三百二十七貫六百四十七文

常平司一千五百九十八貫一百六十七文

本府七百二十九貫四百八十文

商稅

以寶慶元年為準

歲額錢一千八百貫文

舊有楊梅稅歲收錢七十四貫二百八文嘉定十七年守趙師

出以場務並緣為村民之害特與除免

諸司九百二十七貫六百八十四文

經總制司四百二十九貫二百二十六文

糴本司四百九十八貫四百五十八文

本府八百七十二貫三百一十六文於內除豁諸司

頭子錢四十六貫一百九十一文實收八百

二十六貫一百二十五文

公塘白杜二稅場慶元四年守鄭興裔奏罷

詳見郡志

雜賦

免役錢兩料共一萬五千五百九十六貫六百九十二

文

實權到一萬三千九百七十六貫四百七十八文補支發一千六百二十貫二百一十四文

縣吏支六千七百一十八貫四十四文

本府一千六百五十九貫六百八文

解發減省人吏錢在京官員住

錢及支府吏錢並在內

經總制司六千四百六十四貫四百二十四文

官戶不減半六百二貫六百一十六文

常平司

提舉司頭子錢一百五十二貫文

茶租錢四百四十九貫七百三十九文

元額管榷七百四十貫五百

五十一丈除豁逃亡戶絕四分錢外有令額

水脚錢一千五十五貫八百八十二文

醋息錢七百八十貫文

河渡錢二百三十貫八十七文

專隸常平司

叙兵

弓手

縣尉司八十四人

土軍

公塘寨額九十人令六十八人

鮑埼寨五十人元係浙東都巡檢寨撥隸

叙人

見郡志

叙祠

神廟

天齊仁聖帝殿縣東北四里虛白觀後

誠惠廟縣東北三百步廟之上有山曰日嶺嶺有怪石
高七八丈宛如婦人之狀十道四蕃志所謂奉化新
婦巖者是已自唐以來始植廟宇曰貞固夫人之廟
按古廟碑云廟雖不在祀典蓋古老相承之久民率
服衆矣凡有禱請如影響焉皇朝景祐中縣令于房
廢以增學區學徙邑人復請建祠宇元豐五年縣令
盛穆仲嘗記其禱請之驗于碑陰宣和四年賜今額

紹興二十一年詔賜號昭德夫人誥詞云朕閱輿圖之籍知日嶺之山有石肖人而能錫人之福水旱盜賊之禱應如響荅心甚異焉豈烈婦貞女一念堅固先天地而常存形寓於石使人觀感而化者可百世祀乎維神聞於有唐賜廟號於我國家朕今渙明恩寵以徽稱從民欲也其侈神休荅斯民所以告朕之意

日嶺山脊上有

古廟縣西一里有昭德夫人廟東五里新婦湖之西有湖頭新婦廟金溪鄉聖山之南有聖姑廟又有所謂橋頭聖姑廟皆別廟也俗謂昭德夫人與聖姑新婦姊妹三人血食一方蓋俚語爾

顯佑廟縣南鮎埼鎮神仇氏創始於唐禱之輒應紹興
末陰相校尉王剛乘艦敗金於采石嘉定初民慮艱
食神招商人米舟踵至人甚異之始謝散騎捐地立
祠死配食焉久而圯裔孫彥瓊廷俊哀衆力復新之
三年計臺列其靈乃賜廟額參政樓公鑰記其事十
七年十二月告封靈惠侯詞云鮎埼有亭志自漢世
民業生聚獨盛于今爾神廟食此方衆所依怙曩緣
捍患已錫嘉名茲復覽於奏封俾肇開於侯爵尚歆

茂典益著靈休

飲飛廟縣北市門下一里即府飲飛之別廟也

詳見郡志

宮觀

虛白觀縣東北四里唐昭宗時賜額觀有三清像制度精巧老君像袖中有一蛇長數尺潔白如雪隱現不常

寺院

禪院二十三

雪竇山資聖寺縣西北五十里舊名瀑布寺唐光啓中
置大中末為賊裘甫所毀咸通八年重建改為瀑布
觀音禪院皇朝咸平三年賜令額常住田一千七百
八十七畝山七千三百畝雪竇山屬祀典南有隱潭
東有石蒼潭前有含珠林千丈巖瀑布上下有亭三
曰飛雪曰妙峯曰漱玉丹碧照爛飛簷鱗鱗蔚在青
嶂間晨霞暮靄遮露萬狀尤為勝槩至道年中有僧
守能雲遊寺中出淳化四年太宗皇帝所賜石刻御

書二部四十有一卷在本寺藏院奉藏具數列于左

真書秘藏詮二十卷 逍遙詠十一卷

懷感詩四卷 幽隱詩四卷

回向文詩一卷 佛賦一首

大中岳林寺縣東北五里舊名崇福院梁大同二年置
在大溪西唐相李紳為書院額廢於會昌中大中三
年間曠禪師復建於溪東皇朝大中祥符八年賜今
額常住田一千三百八十二畝山九十一畝寺乃布

袋和尚化現之處唐末有僧形裁眼脰感額膳腹常以杖荷布囊隨處偃卧時號長汀子布袋師每卧雪中體不需濡或示人以禍福隨語即應天將雨則著濕草屨涂中驟行或亢陽則曳高齒木履植膝而卧於橋上梁貞明二年於寺之東廊端坐磐石說偈曰彌勒真彌勒分身千百億時時示時人時人自不識偈畢即示寂葬寺之西南二里其塔亭曰彌勒庵後有人於它州見和尚提隻鷄而行者及發棺視之惟

隻鳥存焉水旱祈禱靈應如響元符元年賜號定應
大師三年有見祥光于彌勒菴側者掘土得所遺錫
杖淨瓶邑人建閣藏之并所書偈坐石至今猶存崇
寧三年賜閣名密寧遇天寧節度僧一人先是皇祐
中仁宗皇帝召寺僧文岳禪師入禁中累賜御製詩
偈并御札今藏崇寧閣其數列于左

飛白書佛法二字賜文岳禪師

飛白書佛字賜文岳禪師

御注文岳禪師墨書環像頌一首

御注文岳禪師所進頌一首

御注文岳禪師回舊居院頌一首

胎藏教念誦儀三策印本

安巖山華嚴院縣南五十里舊名四明院漢乾祐三年

置皇朝天聖中居照禪師遷入山數里慶曆三年改

今額勝槩頗多人號小雪竇常住田三百二十九畝

山一千一百二十畝

清涼院縣東九十里朱梁龍平二年茅將軍捨宅為之
吳越王錢氏給額曰歸順皇朝治平中賜令額常住
田一百六十畝山九百六十二畝距院五里有茅嶺
以茅君所居故名其下民猶有以茅佾為一戶籍者
院之殿宇所覆皆古瓦上有已巳茅號四字茅君祠
在院東廡水旱疾疫禱無不驗紹興已巳勅葬王參
政於其山人謂已巳之應

靈隱院縣西七十里唐天祐二年改令額常住田一百

六十一畝山三千一百四十六畝

解空院縣東八十里唐長興元年置名泰靖皇朝治平
二年改今額常住田二百二十八畝山三百九十畝
妙峯山護國院縣西十五里唐中和元年有神人現遂
置寺以天王名之皇朝治平二年改今額常住田一
百四十三畝山九十五畝

圓覺院縣西南八十里唐咸通九年置名西峯皇朝治
平二年改今額常住田一百七十一畝山七百五十

三畝

九峯山靈鷲院縣東六十里舊名明霸院皇朝開寶八年置在山外慶厯中僧象先遷入山五里對九峯建立而增廣之治平二年改今額常住田二百三十畝山六千七百六十七畝

棲真院縣東七十里晉天福八年置名棲鳳皇朝治平二年改今額常住田二百七十畝山三百九十四畝興化院縣東七十里唐長興元年置名墅市皇朝治平

二年改今額常住田一百二畝山一百三十畝

清福院縣東七十里晉天福八年置名太清皇朝治平
二年改今額常住田一百一十畝山二百三十畝

離相院縣東九十里唐乾符二年置名福慶皇朝治平
二年改今額常住田一百一十畝山二百五十畝

資福院縣西三十里唐咸通八年置名法會皇朝大中
祥符八年改今額常住田九十三畝山四百一十九
畝

上雪竇山奉慈院縣西六十里唐咸通八年置名奉國
皇朝治平二年改今額常住田三百四十畝山五百
三十二畝

資國院縣西南五里舊名護國院唐元和十四年置皇
朝治平二年改今額有人迹印石上指文皆具世傳
為佛迹常住田一百一十七畝山九百三十畝

安隱院縣西一百里唐咸通十一年置名聖壽皇朝治
平二年改今額常住田二百二十一畝山八千九百畝

淨慈院縣西六十里唐乾符六年置名仁王皇朝治平

二年改今額常住田二百九畝山一百七十八畝

法喜院縣西五十里唐咸通九年置名永泰皇朝治平

二年改今額常住田七十五畝山二百八十九畝

證道院縣西七十里唐光啓二年置名靈橋皇朝治平

二年賜今額常住田七十畝山四千二百八十畝寺

西登山半里有龍湫為鄉民雩禱之所南百步有巖

穴深不可測習習風生寒氣襲人曰風谷谷下泉流

寒甚於冰曰冰鑑路轉縈迴巉巖虎踞前有方丈之地足可憩息曰振衣巖又數步列嶂前橫晚霞舒錦如對畫屏曰宜晚攝裳而升漸入平夷多景所聚有堂曰蘊秀端憲沈公煥撫少陵剡溪蘊秀異之句名之又築清心亭于冰鑑之左臨淵疊磯垂釣榜曰桐廬古意渭水遺風云

無為院縣東一百里唐天祐三年置名松奧皇朝治平二年改令額常住田一百六畝山一百三十六畝

顯親崇福院縣西三十里唐光啓三年置名上山皇朝
治平二年改名常樂其後魏丞相請為香火院改今
名常住田一百畝山一百三十畝

移孝忠報院縣西北三十五里王參政功德院皇朝紹
興十八年賜令額常住田三十六畝山無

教院二十三

慈氏院縣南三里唐天祐二年置名寶化皇朝治平
二年改令額常住田一百五十四畝山五十畝

寺有

杜鵑花蟠如鳳形樊主簿詩云山僧取巧結真叢
九苞占盡千葩紅倚闌精采欲飛動百鳥不敢啼

春風

瑞相院縣東南二十里唐大中四年置名雲峯皇朝

治平二年改令額常住田一百二十畝山四百一十

五畝

演教院縣西十里後唐清泰二年置名鹿苑皇朝治平

二年改令額常住田九十五畝山二百七十五畝

禪悅院縣北二十里舊名保安皇朝開寶二年置治平

二年改令額常住田九十五畝山無

寶林院縣西北三十里唐乾寧二年置名棲林皇朝治
平二年改令額常住田一百一十七畝山無

永固院縣西南五十里唐光啓二年置名三石皇朝天
聖十年改令額常住田一百二十畝山一千一百畝
金地院縣西南三十里唐大中元年置名福慶皇朝治
平二年改令額常住田六十畝山無

福聖院縣東二十里唐大中四年置名龍光皇朝治平

二年改令額常住田五十七畝山無

登岱院縣西三十里唐咸通五年置皇朝治平二年
賜令額常住田二百畝山七百畝

普明院縣南十五里唐大中元年置名觀音皇朝治平
二年改令額常住田四十六畝山無

明化院縣東十里舊名建城唐寶曆二年置光化中
改名建寧梁開成中改名善因皇朝大中祥符元年
改令額常住田六十三畝山無

清蓮院縣西南五十里後唐清泰二年建號靈峯皇
朝治平二年賜令額本甲乙住持久而圯皇子魏
王申請為十方祝聖道場以傳天台宗教由是內
外棟宇革故一新惟留舊殿古佛右偏有輪藏及諸
天像極精巧常住田四十六畝山一百九十六畝
福海院縣東五十里唐咸通九年置名興福皇朝治平
二年改令額常住田二十六畝山無

上乘院縣西南五十里唐咸通九年置名乾符皇朝治

平二年改令額常住田六十六畝山無

法昌院縣北二十五里舊名石芝皇朝開寶元年置

治平二年改令額常住田一百一畝山無

淨明院縣北二十里唐龍紀元年置名唐灣皇朝大中

祥符元年改令額常住田三十三畝山無

宣密院縣東九十里晉開運二年置名桐照皇朝治平

二年改令額常住田四十五畝山無

鄆城山廣福院縣東五十里唐景福元年置後唐清泰

初吳越錢氏給額曰鄆城皇朝治平元年改壽聖紹興三十二年改令額常住田九十三畝山五十畝

惠日院縣西二十里晉天福五年置名慈林皇朝治平二年改令額常住田二十六畝山二百五十畝

法海院縣東南十里晉天福元年置名龍潭皇朝治平二年改令額常住田四十三畝山二百五十畝院下有潭廣數畝父老相傳有白龍宅其淵遇旱暵祈禱多應

常浦院常住田一十五畝山無

普慧院常住田五十畝山無

安住院常住田五十八畝山四百畝

十方律院四

大雲院縣東三十里唐咸通二年置名石佛皇朝治平

二年改令額常住田三十六畝山一百六十畝

垂鴻院縣北二十里梁大同元年置名宴坐皇朝大中

祥符元年改令額常住田一百二十三畝山無

瑞峯院縣東南十里唐咸通五年置名吳峯皇朝治平二年改今額常住田九十五畝山三百五十畝

仁濟院常住田一百三十畝山無

甲乙律院二十二

廣福院縣南五十里晉開運三年置名雲蓋庵皇朝熙寧中賜額壽聖紹興三十二年改今額常住田一百四十畝山一千三百五十畝

悟空院縣南四十里唐大中七年置名安海皇朝治平

二年改令額常住田一百四十二畝山無

廣化院縣西北三里唐大中二年置名正化皇朝治平元年改令額常住田三十三畝山四百三十三畝

慈光院縣西北二十里舊名龍池唐文德二年置皇朝治平二年改令額常住田六十四畝山二百六十畝
興聖院縣東二十五里唐咸通十年置常住田八十六畝山七十九畝

崇勝院縣南五十里唐天成三年置名固海皇朝治平

二年改令額常住田二十六畝山一百畝

尊勝院縣南四十里唐光啓元年置名延恩皇朝治平二年改令額常住田一百畝山五百三十六畝

禪寂院縣南四十里周廣順二年置名登山皇朝治平

二年改令額常住田一百一十畝山五百三十二畝

廣法院縣西南七十里舊名靈龜皇朝太平興國七年

置治平二年改令額常住田九十七畝山三百四十

六畝

大智院縣西七十里唐咸通十一年置皇朝大中祥符二年賜令額常住田一百七十五畝山四百四十三畝

定明院縣西南六十里唐大中二年置名鎮國皇朝治平二年改令額常住田七十九畝山六百畝

龍華院縣西八十里唐咸通六年置名凝光皇朝治平二年改令額常住田一百二十二畝山六百七十畝
慈覺院縣北二十里晉天福五年置名興福皇朝治平二年改令額常住田一百五十一畝山一百四十畝

淨業院縣北二十五里梁貞明二年置名塔巖皇朝治
平二年改令額常住田八十畝山一百二畝

淨隱院縣東北一十里晉天福五年置名名山皇朝治
平二年改令額常住田二十七畝山七十九畝

惠照院縣西北二十里唐咸通十年置名銅山皇朝治
平元年改令額常住田三十五畝山無

護教院縣西北二十里唐乾符二年置名湖山皇朝治
平二年改令額常住田二百一十二畝山一百九十

九畝

廣教院縣東二十里唐咸通十年置名靈跡皇朝治平二年改令額常住田一百一畝山四百六十三畝

告城院縣東半里舊名光教院皇朝開寶七年置大中祥符三年改令額常住田一百七十畝山無

淨名院縣東北十里梁乾化二年置名安寧皇朝治平三年改令額常住田一百畝山無

廣濟院縣北二十五里皇朝建隆二年僧師悟造廣濟

橋於大江之側而院與橋同置大中祥符元年賜令額常住田六十三畝山無

淨惠院縣東北四里周顯德四年置皇朝天聖三年賜令額世傳孫拾遺邵之故宅也常住田一百五十三畝山無

報國院縣南二十里晉天福二年置皇朝治平二年賜令額

尼院一

普惠院縣東北四里半舊名永平唐咸通十年置十三年賜令額

叙遺

紀異

梨洲縣西一百里即四明山之西峯按四明山記云晉時溪邊沙上忽生梨實時孫興公及兄承公同遊至澗側得梨數枚左右環視莫見其跡意以為僊物也故號梨洲其上山麓有胡桃天蓼按十道四蕃志即

劉綱與夫人升僊處

金鍾墩縣東一十里大溪之間其墩絕小樹木頗茂雖
山泉奔突而墩無所損或傳昔錢氏載大金鐘過此
沈馬漲沙成墩金鐘今在墩之下歷數百載不為水
所盪

降渚

降下之降

昔有星竇於海濱化為石其形圓而光潔

轉徙不常故名其地曰降渚今俗呼為降

平聲呼之阻

非也

天篆縣西南六十里其山來自鎮亭峭壁四合溪流貫其中中有盤石石上隱起字畫如篆刻為溪流所湔早涸時熟視之若成四句而不可辨識為何等語俗傳以為天篆

俗誌云昔董氏有女未笄刺繡南牕下二燕巢其上其女日予之飯編竹以護其巢女無機心燕無猜意朝往暮返至於哺育其子成羽翼而去明年復來其女愛字之如初凡厯三歲而燕去女死又明年二燕復

來飛遶戶牖間悲鳴上下經二日不已女之父母告之曰汝非尋女子邪女已死冢在屋之側俄而二燕去越三日不歸翁媪往視女墓則二燕伏死於冢上邑人異之故名其鄉曰禽孝

存古

奉國軍節度使錢億墓在縣西北三里

寶慶四明志卷十五

欽定四庫全書

史部

寶慶四明志卷十八至

詳校官監察御史臣沈孫璉

檢討臣德生覆勘

總校官降調編修臣倉聖脉

校對官中書臣王慶長

謄錄監生臣李廷封

欽定四庫全書

寶慶四明志卷十六

宋 羅濬 撰

慈溪縣志第一

叙縣

沿革論

慈溪縣秦漢以來地屬句章

古句章城在今縣南
十五里地名城山

隋開

皇九年併餘姚鄞三縣入句章唐武德四年析句章

置姚州鄧州八年廢鄧州為鄧縣則慈溪實鄧封內地也開元二十六年析鄧縣置慈溪溪因邑人董黯孝養其母而得名詳見水門又因以名縣按唐崔殷撰董孝子廟記云黯後漢人孝行著於鄉邑和帝召拜郎中不起厥後世為名族故以董孝名鄉慈溪名縣貞元中為上縣二十一鄉皇朝併為五鄉九域志亦為上縣

境土

東西一百里南北九十里

東至定海縣界六十里以梅林涇及雙橋鷓鴣浦為界
西至紹興府餘姚縣界八十里以桐下湖從浦至大江
為界

南至鄞縣界三十里以鍾乳山及潘嶼嶺孤兒崗為界
北至秀州海鹽縣界六十里以大海岸中桑嶼并黃牛
山為界

東南到鄞縣界一十五里以西渡江心為界界首至本
府三十五里

東北到定海縣界六十里以鴈門嶺為界

西南到紹興府餘姚縣界一百里以楊溪村及高崑并

石門山為界

西北到紹興府餘姚縣界八十里以上林鄉為界

風俗

邑有董孝之遺風人知孝愛樂循理舊矣皇朝以來楊公適杜公醇又以行義為之師表自是文物益盛王荆公安石有云慈溪小邑無珍產淫貨以來四方游販之

民田桑之美有以自足無水旱之憂也無游販之民故其俗一而不雜有以自足故其人畏刑而易治所見之士亦多美茂易成也

縣令

題名始于太平興國在唐得七人以冠其首

房琯

唐開元中監察御史貶睦州司戶叅軍慈谿縣始置遷為令上德化興長利流民來歸按吏引去以

治最顯事見唐書本傳及會要併舊志所載民立廟祀之至今縣橋名驄馬以公故也

周頌

閻信美

張濤

周曜

宋革

柳寬

以上皆唐時令見香山智度寺常寂大師行狀碑

李昭文

皇朝太平興國八年

張穎

端拱元年為令廉潔自持邑人號為張清清太宗皇帝賜詔獎喻云令長之任得以施異政而親吾

民也爾膺茲選擇綽著強明勤以奉公廉而守道達于聽覽深所歎嘉愈宜勵精當俟明陟民立廟祀之

縣有清清閣以
公之德名也

聶惟寧

淳化二年

劉昭裔

至道元年

張若訥

咸平元年

段守忠

咸平四年

張守璿

景德元年

龐遵古

景德三年

甯直

大中祥符二年

張汝珪

大中祥符四年

耿防

大中祥符七年

姜成範

天禧元年

胡孝恭

天禧四年

王淑

天聖元年

林濟

天聖四年

牟經

天聖六年

孫知古

天聖九年

虞肅

景祐二年

王利用

景祐四年

李永

康定元年

王永昌

慶厯三年

林肇

慶厯五年

韓鑑

皇祐三年

張直言

至和元年

游烈

嘉祐二年

陳章

嘉祐五年

林汴

嘉祐八年

于存

熙寧元年

汪汲

熙寧四年

李世卿

熙寧六年

李友聞

熙寧七年

盛次仲

元豐初為令雅有文名究心民瘼持身公介不畏強禦戢吏愛民政多惠利後為內相

沈謹

元豐四年

崔熙

元豐八年

余廩

元祐二年

張伋

元祐五年

吳最

紹聖元年

陳衡

紹聖四年

石沔

元符三年

王師中

建中靖國元年

黃杞

從事郎崇寧元年

唐昌期

通仕郎大觀元年

方巨川

文林郎政和二年

孫寘

文林郎政和八年

許之才

儒林郎政和八年

黃濤

從事郎宣和二年

陳雲

朝奉郎宣和四年

沈時升

雲川人宣和末為令誠心撫字愛民如子俗咸化之無敢梗政既去父老請于官建立祠宇於

縣治號沈公堂公即丞相該之父也

林叔豹

字懿文永嘉人少入太學有聲建炎初以宣教郎為令律身廉勤莅事明敏高宗皇帝大駕南

巡過

邑禁衛甚衆小縣未易供應宰執素稔其名戒

衛士以下毋得苛擾邑人尋聞敵兵之至驚惶逃避

有武斷貪悍之夫一二人為民所訟公捕而斬之於

是遠近知畏絕剽掠之患敵人破明州偽立蔣安義

為守敵退叔豹以鄉兵入城杖死安義一

郎遂寧高宗駐蹕臨安名為監察御史

周方祇

從事郎建炎四年

向季仲

右文林郎紹興三年

林公定

右從政郎紹興六年

趙不匱

左承直郎紹興九年

畢瑛

右從政郎紹興十二年

張光

右承直郎紹興十四年

陳良翰

字邦彥赤城人紹興十七年以左從事郎為令經術飾吏事天資高明操尚介特恢崇風化作

成人材吏畏民愛諸司交薦名除監察御史後為諫議大夫給事中太子詹事

李彭年

左從政郎紹興二十一年

張敦實

左從事郎紹興二十四年

姚應辰

右文林郎紹興二十七年

鍾確

右文林郎紹興三十年

錢萬中

左文林郎
興三十二年

蔣歲

右文林郎
乾道元年

吳翼夫

右文林郎
乾道四年

陳壽彭

右承直郎
乾道六年

求承祖

文林郎
乾道九年四月十七日到任
淳熙三年二月二十一日成資磨勘

鄭昌言

從政郎
淳熙三年七月初八日到任
六年八月二十五日滿

莫洸

通直郎
賜緋魚袋
淳熙六年八月二十五日到任
八年正月八日以知台州仙居縣唐仲溫避親兩

易離
任

唐仲溫

奉議郎淳熙八年正月初八日避親兩易九年八月二十二日滿替

徐哀

從政郎淳熙九年八月二十二日到任十一月四月二十六日本州奏薦兩易

蔣鶚

從事郎淳熙十一年四月二十六日以奏薦兩易十二年四月十七日滿

葛郢

奉議郎賜緋魚袋淳熙十二年四月十七日到任十六年二月二十九日滿

唐仲展

從政郎淳熙十六年到任金華人政得寬猛之宜遇事詳明窮究民隱催科不擾財賦自辦雖

有獄未嘗妄禁一人黠吏畏之不敢舞法紹熙三年四月初五日滿替

柳恂

從事郎紹熙三年四月初五日到任慶元元年四月十三日滿替

朱堂

文林郎慶元元年四月十三日到任三年二月丁母憂

柳說

從事郎慶元三年五月一日到任六年六月九日滿替

石次翁

承直郎慶元六年六月九日到任嘉泰三年十月十七日滿替

趙希觀

儒林郎嘉泰三年十月初八日到任嘉定二年十二月初八日滿替

張義和

文林郎開禧二年十二月初八日到任嘉定二年十二月二十七日滿替

溫膚公

文林郎嘉定二年十二月二十七日到任六年二月二十四日滿替

俞昌言

迪功郎嘉定六年二月初二日到任九年三月初二日離任

邊烈

文林郎嘉定九年四月初四日到任十一年四月二十七日離任

趙崇遂

從政郎嘉定十一年五月二十日到任十五年正月二十八日離任

虞詵

儒林郎嘉定十五年六月十六日到
任寶慶元年七月二十七日滿替

周符

儒林郎寶慶元年七月二十八日到
任紹定元年十月二十七日滿替

畢諫

儒林郎紹定元年十月二十八日到任有旨
改令為京官開紹定二年六月十八日離任

留晞祖

宣教郎以制帥胡尚書具申朝廷改令為京官
開紹定二年十一月十三日到任五年十二月

滿替

葉汝明

奉議郎紹定五年十二月初四日到
任至端平二年五月初三日不祿

張約之

承議郎端平二年九月初十日到任嘉熙
二年九月初九日滿十月內除監權貨務

王致遠

奉議郎嘉熙三年十月二十八日到
任嘉熙四年十二月二十九日離任

吳溥

宣教郎溥祐元年正月二十八日到
任至淳祐二年二月初二日離任

曹邵

宣教郎淳祐二年四月初二日二十三日到
任至淳祐五年五月初一日滿替

季鏞

通直郎淳祐五年五月初一日到任
至淳祐七年十一月十七日丁母艱

衛枏

承議郎淳祐八年四月初八日到
任至淳祐十年二月初三日離任

陳灼

宣教郎淳祐十年二月二十六日到
任至淳祐十一年四月初五日離任

陳桂

朝奉郎淳祐十二年二月初三日到任
以恩賞磨勘轉朝請郎寶祐三年三月三日滿替

社稷

壇在縣西南一百步皇朝建炎二年令林叔豹始建齋

宮久而圯紹興二十一年令陳良翰重建嘉定八年令
俞昌言重修

城隍

廟在縣西四十步

縣學

學舊在縣西四十步皇朝雍熙元年令李昭文建先聖
殿居其中端拱元年令張頴記慶厯八年令林肇徙建
於縣治之東南一里鄞縣宰王公安石記之貽書招邑

之宿學杜醇為諸生師建炎四年金人至學燬紹興十二年令畢瑛草創殿宇齋舍久而弗支淳熙四年節度推官宋南強攝邑以勸里士陳公達首倡義大成殿輪奐一新齋舍門廡庖湍次第成於後政之手而率先之者宋也八年令唐仲溫始落其成講堂舊曰尊道至是改曰成德堂之後有直舍曰橫經四齋曰本仁曰明義曰約禮曰崇智慶元元年令朱堂於泮池外建牆門六扉左日右月開禧二年漕檄尉施子升重修尚書樓公

鑰記淳祐二年郡守秘撰陳公塏發錢米下縣委令曹邵為慈湖楊先生簡菴祠堂于成德堂之右祠成令以告于郡於是朝奉郎主管建康府崇禧觀天台鄭霖作記先生之姪愉書丹邑人朝奉大夫直寶章閣桂萬榮書蓋

祭器一百九十六件

祭服三副

錢糧

田三百九十二畝一角二十二步

地二十八畝二角四步

山六畝二角六步

歲收

米一百八十二碩九斗二升五合

穀一百一十三碩九斗

租錢四十七貫三十文

賃錢日收一百一十二文

城郭

縣城周回五百六十丈

坊巷

興賢坊

舊曰崇儒在縣學西令趙希觀更立

狀元坊

為武舉魁胡應時立

丞賢坊

崇孝坊

縣令虞說立

倉庫務場等

縣倉

縣西南三十步舊屋十間今存其二一貯官兵俸料米一貯義倉米

諸色官錢庫

縣治東廊紹定元年令周符重建

酒稅務

縣城東南二里
淳化七年置

鳴鶴鹽場

縣西北六十里
熙寧六年十月置

教場

縣城東北中有閱武亭靖康元年尉劉崇建令于
庭式記後廢慶元三年令朱堂尉朱應祥重建更

名衆整里
士嚴蒙記

居養院

縣東南二里
元符元年建

安濟坊

縣東南二里
崇寧二年建

漏澤園

縣西南三里
崇寧三年建

公宇

縣門

上為勅書樓宣和初令黃濤建寶慶三年圯于風
令周符新之樓凡五間守胡桀為扁縣名於外門

內拾級而上

中門

雍熙元年令李昭文重建寶慶三年
周符新之門旁有兩翼門內列兩廡

縣聽

李昭文重建紹定元年
周符於聽後創小樓

縣堂

正聽之東元祐
初令崔熙建

明恕堂

東廡之東李昭文建紹興六年令林
定重修扁製錦慶元初令朱堂重建

縣獄

西廡之西舊苦隘陋紹定
元年令周符闢而新之

清清閣

直正聽後小樓之後淳化中建以縣令張穎清
德得名里士徐璋記嘉定十年奉化丞沈璞擱

邑重修湖州校官王休記
之紹定元年令周符重修

環碧亭

清清閣之後出縣城之北臨池乾道間令陳壽
彭建後廢慶元五年令柳說重建紹興府理掾

王休記之又廢紹定
元年令周符重建

擁青軒

縣堂之後隆興元
年令錢萬中名之

攬秀亭

擁青軒之後紹定元年令周符
重建凡縣治內所修建張處記

麗澤亭

縣治之前創自縣初橋上築亭上有樓陰陽家
以為縣無按山此樓即前按也建炎兵燬紹興

三十一年令鍾確重建寶慶
三年圯于風令周符重建

蒙亭

大竇山之麓創自熙寧以前泉清甘宜茶名寶泉
亭後圯紹興十七年令陳良翰重建改今名羅昭

叔記
今廢

濯纓亭

縣治東
南今廢

迎麾亭

縣治西
南二里

承流亭

縣治東南二里迎麾承流二亭皆
創自縣初監司郡守經歷送迎

官僚

丞

邑舊有丞崇寧五年省罷紹定二年正月置尚書省
劄子煥章閣學士通議大夫知慶元軍府事兼沿海

制置使胡榘狀竊見本府慈谿縣縣正元以來標
為上縣皇朝太平興國中置令距今三百餘年自南

渡以來衣冠日盛戶口日繁今主客二萬餘戶計一
十五萬六千三百餘口為田四十六萬九千一百餘

畝夏秋二稅官物繁多實為壯縣然本縣今只部注
令一員又無丞佐可以裨贊連季簿尉非才邑政未
免多闕財賦多有失臨本府不容坐眎伏覩嘉定吏
部條法諸縣及萬戶注丞一員今慈谿縣戶口繁多
踰二萬戶所宜置縣丞一員以共理民事證得定海
縣主客纔一萬九千餘戶計五萬五千餘口為田三
十五萬餘畝夏秋二稅視慈谿縣反少而令丞並置
一邑之事得佐官以協理今慈谿置丞不為冗員惟
是擷置一官則有一官之費若令一邑遽爾增費則
恐事力不支本府契勘三酒務監官舊各係雙員昨
來權府程提刑單申請省罷都酒務比較務官各一
員就奉化縣結埼鎮置鎮官巡檢二員而贍軍務尚
存雙員今三務既合為一若各官一員自可輪流管
幹欲乞朝廷特賜數奏許從所乞省罷贍軍務監官
一員於慈谿縣置縣丞一員特許本府選辟一次日
後作吏部使闕但慈谿縣既置丞則縣令合行改作

京官員闕庶幾事權增重百里有賴併乞降指揮吏部施行其慈谿縣令并贍軍酒務見任人且令終滿差下人令赴部別行注授伏乞明降指揮下本府施行申聞事正月九日奉聖旨令吏部將慶元府慈谿縣添置縣丞一員就令本府選辟一次仍令贍軍務監官一員省罷其見任人許令終滿已差下人赴部別行注授餘依

主簿

聽事縣城東南本丞廳崇寧五年省丞遂為簿廳久而圯淳熙八年張博文重建勤畏堂王中行建

臨香亭紹興二十四年李丙建後政改扁不一嘉定十年天台劉煥奉其兄閭風逸民侯偕至改曰聽雨

慈川遺民劉叔溫記簿廳有水利記四縣尉成立尚書汪大猷著作郎倪思湖州校官王休所撰也

尉

聽事縣城東南雍熙元年建東為願堂尉畢仲荀記圍有三友亭後改雨香今名華綠又有無我亭永嘉

翁忱建有記
今改勁節

監酒稅

聽事縣東南一里皇
朝慶厯八年建今廢

監鳴鶴鹽場

縣西北六十里邊海之處皇朝熙寧六年
十月建兼巡檢主管煙火公事巡捉私茶

鹽碧香等實慶二
年有旨選辟文資

鳴鶴寨巡檢

皇朝政和七年置
於金僊院駐劄

驛鋪

鳧磯驛

縣南一里唐開元中令房琯建以川多鳧雁故
名皇朝元豐中令崔熙重建左太中大夫周鏐

記建炎兵燹紹興十
七年令陳良翰重建

大亭館

縣西四十五里夏侯曾先地志云大亭是老尉

今館

北有老尉浦是其跡矣吳越錢氏改為上亭後

廢慶元

五年尉闕嵒重建斥而大之嘉定間令邊烈

又闢地

築小館於亭北亭前建小軒三間古有留題

詞云

潮生浦口雲潮落沙頭樹潮本無心落又生人

自來還

去今古短長亭送往迎來處老盡東西南北

人亭下

潮如故又慈川逸民詞云南山明北山明中

有長亭

號大亭沙邊供送迎東江清西江清海上潮

來兩岸

平行人分棹行又僧義銛詩云青山歷歷映

江流

半是明州半越州亭下寒

潮亭上

客不知來往幾時休

西門鋪

縣治西至甲山鋪二十五里東至西渡鋪一十五里

西渡鋪

界首東至鄞縣景安鋪十五里又至本府二十里

甲山鋪

金川鄉西至漁溪二十五里

漁溪鋪

漁溪坊前西至紹興府桐下鋪二十五里

叙山

四明山自越地跨縣境以至于鄞詳見郡志

塔山縣東南三里陰陽家謂縣之青龍山

大寶山縣西南二里陰陽家謂縣之白虎山山南有泉

極清甘名大寶泉

句餘山縣西南二十五里句章餘姚在此山之東西蓋

因山以名縣也山海經云此山多金錫少草木

戍溪山縣西南三十五里晉孫恩盧循據嶺表作亂繇海道入寇劉牢之禦之屯兵於此故其山以戍為名也

東澄山縣西南三十五里

五馬山縣西南六十里

三女山縣西南六十里耆老相傳云昔有三女浴於江次忽為霆擊化為三峰亭亭相望因以名之

大隱山縣南三十里夏侯曾先地志云大隱山口南入
天台北峰為四明東足乃謝康樂煉藥之所也晉虞
喜三名不就遁跡此山因以為名

三過山縣南十五里山勢孤峻下臨江濱潮水縈回舟
人理棹嘗倦於經過雖一過猶三過焉故以為名也
鼈子山縣南五里山形似鼈

抱子山縣東南十里山勢宛轉盤泊如龍蛇抱子之狀
橫山縣東南十里

驃騎山縣東三十里會稽典錄云漢世祖時張意為驃騎將軍其子齊芳歷中書郎嘗隱於此故以為名俗呼為馬鞍山乃州之後坐山也

闕峰縣東北二里吳太子太傅闕澤居其下取其姓以名之

香山舊名大蓬山又名達蓬山縣東北三十五里山峰有巖高四五丈狀如削成有石穴深三丈其巖有三佛跡或云上多香草故以為名又云秦始皇至此欲

自此入蓬山故號達蓬

山下有智度寺石湖范居士嘗有詩云抖擻軒裳一闌塵

任教空翠滴烏巾老身已到
籃輿上處處青山是故人

桑嶼山縣北六十五里

東向山縣北六十里

黃牛山縣北六十里

箕嶼山縣北六十里

若嶼山縣北六十里

浪港山縣北六十里

石塘山縣北四十五里

向頭山縣西北八十里海濱亦名西龍尾東望伏龍山
與龍頭邇龍頭以東屬定海龍尾以西屬餘姚各有
海塘塘每為潮所損二山扞潮其中漲塗漸與山相
接古有海塘閘柱屹然中存今盡為漁鹽之地已成
畎畝者禾黍菽麥彌望昔以海邑之衝欲於此置寨
屯兵尋以舟楫難於出入故寢

鳴鶴山縣西北六十里耆老相傳云昔有鶴栖於此山

一旦飛鳴冲天而去

漁溪山縣西北五十里

五磊山縣西北三十五里上有五峰磊磊相比如聚米
所成人謂五磊雲興則雨常以為候

朱墓山縣西六十里宋台州刺史朱夔葬此山

埋馬山縣西六十里夏侯曾先地志云秦始皇遊海至
此馬斃埋之故以為名

雨微山縣西五十五里舊名龍山上有雲氣即降雨澤

邑人常以此為候或云本是雨徵山避廟諱故改徵為徵

夜飛山縣西四十五里其山生甘草仙藥耆老相傳云此山自蜀夜飛而來蜀客見而識之因以為名

鳳凰山縣西四十五里丈亭之東其形如鳳與龍山對峙

龜子山縣西四十里山形似龜

城門山縣西三十里宋城門校尉會稽從事陳詠葬此

山因以為名

虎胛山縣西三十里山形聳踞如虎胛隋大業中嘗令
鑿山西南斷跡猶存

鳳巖山縣西三十里山形似鳳

仙雞山縣西二十五里夏侯曾先地志云上有石并石
床又有銅瓶皆非人力所能舉旁有石雞俗云是扶
桑雞飛下因以為名

赭山縣西八里土色正赤故曰赭山

叙水

渠堰硤閘橋
梁津渡附

水

慈谿縣南三十里與大隱山接本曰大隱溪里有董黯
生後漢時性篤孝母寢疾好飲此溪水每思之恐不
常得黯遂築室溪濱板輿就養厥疾乃痊因名溪曰
慈溪後乃以名縣

江源于紹興餘姚之太平山東來至丈亭乃分為二大
江由鹹池歷西渡經府治之北入海小江貫縣申出

東郭至西渡又與大江會率隨潮進退大江乘潮多
風險故舟行每由小江

文溪縣東北十五里受衆山之水色清有文故以為名
溪上有小市舟行通定海

漁溪縣西四十五里舊說有清潭虛澗竹木連續清澄
徹底鱗介不能潛其形漁者利之故名

藍溪縣西南六十里自發源流出江際夾岸藤蘿色深
可染因以名之

普濟湖縣東北一里唐開元令房琯開鑿之以溉民田
吳太子太傅闕澤德潤居之謂之德潤湖近歲寶謨
閣學士楊簡敬仲居之謂之慈湖

花墅湖縣東南一十里古有小塘渚水唐正元十年刺史
任侗勸民修築灌溉田疇中有小墅春花明媚多
於衆山故名湖多魚及蓴菱並湖之人資以為利

姜湖縣東南十里本姜氏捨田一頃以為湖民資灌溉
孫湖縣東南一十五里西嶼鄉溉田頗多或謂湖多香

孫故名孫湖訛而為孫

杜湖縣西北六十里古有湖趾唐刺史任侗重加浚築
鳴鶴一鄉之田仰灌溉俗號第二重天皇朝慶元初
主簿周常募衆開築湖岸修治碶閘為利尤博著作
郎倪思記之

白洋湖在鳴鶴鄉唐景龍中餘姚縣令張辟強修築
雞鳴湖在金川鄉昔又謂之仙雞湖任侗修築今廢為
田

雲湖在金川鄉任侗修築今廢為田

鳳凰湖在金川鄉今廢

永明湖縣西二里今廢

大寶泉縣西二里永明寺西山下水性輕清味甘色白
宜烹茶大旱不涸新昌石麟之嘗銘其異代郡畢仲
荀篆書字畫奇古為時所重

永昌潭舊名黃茂潭縣西南四十里至道宮之上唐天
寶二年明皇遣使投金龍窰以朱筆記其左肋繼而

雨降明皇目覩行雨龍左肋下有朱畫及有大寶永
昌四字謂臣寮曰此四明山所投之龍暨使回奏投
潭之始即泛出黑漆木板尺餘有金書大寶永昌四
字遂賜宮名大寶潭名永昌

餘見至道宮

潭之北五里有

獅子潭禱雨必應上有石屋一所有獅子足跡并仙
人藥臼潭下有石臺三層高數丈鄉名石臺以此

湍水巖潭在石臺鄉溪上近白巖院曩因旱禱雨未獲
有老父坐水濱石上語行人曰曷不於此祈請令張

義和亟禱之得小蛇以歸雨隨至其後縣家禱祈多
應遂建龍王祠有記

北雪潭縣之德門鄉去縣三十里

烏石潭縣之西嶼鄉去縣十里

白龍潭縣東南七里花墅湖上水出山石間

天井潭縣西北二十里以上諸潭皆禱雨靈應之所

渠堰硤閘

金鑿堰

沈忠堰

前莊堰

茆風堰

風林堰

方盈堰

新堰

丁堰

齊拱堰

唐支堰

王沙堰

里溪堰

里溪閘

倪家堰

梅林堰

李家浦堰

豬欄堰

清林堰

鱗浦堰

大杜湖堰

虞莊堰

詹家堰

胡卿堰

小杜湖堰

祝家浦堰

塘頭堰

李溪閘瀦文溪香山之水以溉民田隳廢歲久紹熙四年通判陳耆壽邑簿胡大猷募民重建為利甚博尚書汪大猷記之

右德門鄉

彭山閘彭山堰縣之西北有水出羣山間迤而東來未至縣五里所抵彭山而入于江瀕江有閘瀦水以備旱霖潦則泄之歲久閘廢水無所蓄潮入河淤淳熙十三年主簿趙汝積勸率鄉人凡田于西者畝出錢

三百徹故閘址悉以石為之長十有一尋廣四尋中
濶丈有二尺扁以層版使便啟閉西鄉之田受利既
博復修斗門比舊基有加焉通下流貫邑中因舊河
而浚之廣一丈五尺深七丈中廣二丈六尺深如之
舟楫通行邑下之田亦資灌溉

橫山堰

梨木堰

抱子閘

胡家港閘

上下南洋閘

虞氏白洋堰

沈家堰

門家堰

孔家堰

岑徑堰

徐家堰

戴家堰

枝浦堰

徐洋閘

磚窑堰

馬家堰

洪家堰

壇林堰

陳童堰

梁家橋堰

茅砧礮

右西嶼鄉

沈婆閘

沈婆堰

麻車閘

石砧閘

謝家堰

薛家堰

新河堰

朱童堰

椿浦堰

邵徑堰

應堰

葛塔堰

金家堰

蜆浦堰

東堰

則水新堰

余家堰

廊墅堰

鳥山堰

張押直堰

洪家堰

周家堰

楊家堰

牛欄堰

十五都

沈家堰

施虎廟堰

沈家渡堰

牛欄堰

十六都

茶浦堰

蔡家堰

朴木閘

茭徑堰

洪莊堰

下洋西堰

戴家堰

右石臺鄉

西畝閘

新界堰

右金川鄉

古窰閘

雙河塘鳴鶴鄉與餘姚之上林鄉同一河上林之水泛
溢則流入鳴鶴每年苦澇乾道九年里人曹閱捐錢
二千緡倡率鄉豪益以二千緡創建雙河界塘六百

餘丈自是截斷西流鳴鶴之田遂為膏腴

大理渠縣南五里通積水灌高鄉之田

戴鄰堰元在花墅湖

海塘石碶閘濱海為塘以禦風潮雨水泛溢則決之於海既決復塞民費且勞皇朝嘉祐二年縣令游烈尉成立率民為閘渚泄以時民得耕稼自是一鄉無復水旱之患

右鳴鶴鄉

橋梁

驄馬橋

有屋三間在縣南一里唐開元二十六年令房琯建琯先是為監察御史故邑人以是名之皇

朝治平三年令于存修建災燬于兵紹興十六年令張光重建後復推圯近歲邑人募眾修飾如舊觀

德星橋

縣西南一里半有屋二間南北有亭唐正元九年建以密邇大寶山名大寶橋後改今名皇朝

熙寧元年令于存修建災燬于兵紹興十四年令張光再建復圯紹熙元年沈氏尼重修如初

無擇橋

縣之金川鄉招義村唐孝子張無擇廬父墓日建後人因以名之今呼為吳石橋聲之訛也

開禧橋

舊名夾田在縣東南三里接驛路往來之衝皇朝皇祐二年建紹興八年令林定重建邑士李

瑞民記久復圯開禧元年令趙希觀易而大之遂即改元之號以為名

鮑約橋

縣之德門村五代末有鮑侍中約居此建橋後人因為名

王子橋

縣西十里金川鄉雲山里故老相傳後漢王脩之子建遂以為名

津渡

黃墓渡

縣西南石臺鄉去縣三十里

李溪渡

縣東南德門鄉去縣四十里

青林渡

縣東南德門鄉去縣三十五里

任家渡

縣東南西嶼鄉去縣二十五里

鸛浦渡

縣南西嶼鄉去縣一十五里

楮山渡

縣南西嶼鄉去
縣一十五里

沈家渡

縣西南石臺鄉
去縣三十五里

丈亭渡

縣西南金川鄉
去縣五十里

吳翁渡

縣西南金川鄉
去縣五十里

蜀山渡

縣西南金川鄉
去縣六十里

東南渡

鄞縣西渡續江
相距十五里

城山渡

縣西南
十五里

車廄渡

縣西南
四十里

叙產

已具
郡志

寶慶四明志卷十六